

CHÔNG-SẠ-GÌ.

Dặ 1 Cẩuⁿ.

K Í-táu Siông-Dặ chông-chò ting dặ. ² Dặ sĩ kọng-hự, o-bũ-bũ; ching-eng mĩng-deng ằng-ằng; Siông-Dặ ẽ Sỉng, eông-heng leoh cũi-mĩng. ³ Siông-Dặ gọng, Dặh ũ gng: cuh ũ gng. ⁴ Siông-Dặ kuảⁿ cả gng sĩ heo: Siông-Dặ cuh beong gng gah ằng. ⁵ Siông-Dặ miá cả gng gấu ceo dĩh-dng, miá cả ằng gấu ceo má-láu. ũ má-láu, ũ dĩh-dng; cả sĩ táu seoh dĩh.

⁶ Siông-Dặ gọng, Cũi dọ-ng dặh ũ kọng-kỉ, tặh beong kui siông hã ẽ cũi. ⁷ Siông-Dặ cuh ceo kọng-kỉ, sải kọng-kỉ deng-nĩ ẽ cũi gah kọng-kỉ ợ-dặ ẽ cũi dũi dọ-ng beong kũi; cuh ũ ah-na. ⁸ Siông-Dặ miá cả kọng-kỉ gấu Ting. ũ má-láu, ũ dĩh-dng; cả sĩ dặ-dĩ dĩh.

⁹ Siông-Dặ gọng, Ting-ợ ciộ-sặ ẽ cũi, dặh cũ seoh tũi-chủ, sải lẹh-dặ heng chôi: cuh ũ ah-na. ¹⁰ Cả dọ ẽ tó Siông-Dặ miá gấu Lẹh-dặ; miá cũi cũ ẽ tũi-chủ gấu Hải: Siông-Dặ kuảⁿ ah-na sĩ heo. ¹¹ Siông-Dặ gọng, Dặ dặh saⁿ geh-cỉ ẽ châu, gah chải, lếng saⁿ gỏih-cỉ ẽ chiủ; gỏih-cỉ bau heoh, deo búng i ẽ cệng-lũi leoh dặ lẹ: cuh ũ ah-na.

¹² Dặ cuh saⁿ geh-cỉ ẽ châu, gah chải, gũ-goh búng i ẽ cệng-lũi, lếng geh gỏih-cỉ ẽ chiủ; gỏih-cỉ bau heoh, deo búng i ẽ cệng-lũi: Siông-Dặ kuảⁿ ah-na sĩ heo. ¹³ ũ má-

láu, ũ dĩh-dng; cả sĩ dặ-sợⁿ dĩh.

¹⁴ Siông-Dặ gọng, Ting-deng dặh ũ huah-gng ẽ tặ, sải heong-beh dĩh-dng má-láu, láu ceo gĩ-heo, ặ dĩhⁿ seo-sỉ, dĩh-gỉ, nĩng-sỏi; ¹⁵ búng-chiảⁿ huah gng leoh ting-deng, muá cẩu leoh dặ lẹ: cuh ũ ah-na. ¹⁶ Siông-Dặ ceo nng gấu dặ gng: dặ ẽ guăng dĩh-dng, sặ ẽ guăng má-láu: buh ceo hiộ-sặ ẽ chaⁿ. ¹⁷ Siông-Dặ bạ-lẻh i leoh ting-deng, muá cẩu leoh dặ lẹ, ¹⁸ tặh guăng-lĩ dĩh má, beong gng gah ằng: Siông-Dặ kuảⁿ ah-na sĩ heo. ¹⁹ ũ má-láu, ũ dĩh-dng; cả sĩ dặ-sỉ dĩh.

²⁰ Siông-Dặ gọng, Cũi dặh muá saⁿ ũ uảnh-miả ẽ động-beoh, buh ũ cẩu boi leoh dặ sặuⁿ, deng-nĩ lẹ gấu kọng-kỉ dọ-ng. ²¹ Siông-Dặ cuh ceo dặ-hự, lếng cũi-lĩ sệ saⁿ ũ uảnh-miả ẽ động-beoh, deo búng i ẽ cệng-lũi: gấu goh-cệng boi ẽ cẩu, deo búng i ẽ cệng-lũi; Siông-Dặ kuảⁿ ah-na sĩ heo. ²² Siông-Dặ cệh-hộh i gọng, Seng-ẻh cệng-sặ, cheng-muá leoh hải; cẩu iả seng-ẻh cệng sặ leoh dặ. ²³ ũ má-láu, ũ dĩh-dng; cả sĩ dặ-ngõ dĩh.

²⁴ Siông-Dặ gọng, Dặ dặh muá saⁿ uảnh ẽ mỏih-nộ, deo búng i ẽ cệng-lũi; táu-saⁿ, táng-hiộ, iả-siủ, deo búng i ẽ cệng-lũi: cuh ũ ah-na. ²⁵ Siông-Dặ cuh ceo iả-siủ, deo búng i ẽ cệng-lũi, táu-saⁿ

deo bing i ē ceng-lui, dā sǎuⁿ táng-hiō, deo bing i ē ceng-lui: Siōng-Dā kuǎⁿ ah-na sī heō.

²⁶ Siōng-Dā gōng, Guā-goh-náng dǎuh ceó náng, chǎuⁿ Guā-goh-náng ē siōng; sǎi i guáng hái lē hū, boi ē cǎu, tǎu-sǎⁿ gah háng dōiⁿ-dāng leóh dā ē táng-hiō, léng guáng gōng-cénⁿ dā. ²⁷ Siōng-Dā cuh bing beōng-sing ē siōng ceó náng, ceó i cuh sī chǎuⁿ Siōng-Dā ē siōng; ceó ā dah-bo, iā ceó sing-náu. ²⁸ Siōng-Dā ceh-hoh i; gah i gōng, Seng-eh cing-sǎ, cheng-muā leóh ciā dā; dā keoh dū sē guáng, léng guáng hái lē ē hū, boi ē cǎu, gah dā-sǎuⁿ goh-ceng ū uáh-miā ē mōih-nō. ²⁹ Siōng-Dā gōng, Muā-dā geh-cī ē chǎi-se, bau-heoh ē gōih-cī-chiū, Guā deo seó keoh dū siáh; ³⁰ nō leóh dā-sǎuⁿ cǎu ē iā-siū, kōng-deng boi ē cǎu, gah dōiⁿ-dāng leóh dā goh ceng uáh ē mōih-nō, Guā deo seó chaⁿ-chǎu keoh i siáh: cuh ū ah-na. ³¹ Siōng-Dā kuǎⁿ sē ceó ē cing heō. Ū má-láu, ū dīh-dng; cǎ sī dā-láh dīh.

Dā 2 Cǎuⁿ.

TING dā mǎng-beóh gí - ceng siǎⁿ lǎu. ² Gǎu dā-chih dīh, Siōng-Dā ceó mōih-nō ē gang-hu i-ging eng-ceōng; cuh leóh dā-chih dīh ang-hē. ³ Ing cī seóh dīh, Siōng-Dā ceó mǎng-beóh ē gang-hu i-ging eng-ceōng, cuh ang-hē; gó-cheō gǎng-hoh leóh cǎ seóh dīh, diǎⁿ ceó Sing-dīh.

⁴ Chōng-chō ting-dā lái-lēh sī ah-na; Á-Hó-Hua Siōng-Dā ceó ting dā ē dīh, ⁵ dā lē bōi sǎⁿ chō-bōh, bōi sǎⁿ chǎi-se; ing Á-Hó-Hua Siōng-Dā bēng leóh-hō

leóh dā lē, iā beó náng geng-ceng cǎ dā. ⁶ Ū bó-bū iú dā lē chōi, tǎh ceōng-cēh muā dā. ⁷ Á-Hó-Hua Siōng-Dā eng tó ceó náng, tǎh seng-ki beóng dīh i pí-kang, cuh siǎⁿ ceó ū seng-sing ē náng.

⁸ Á-Hó-Hua Siōng - Dā leóh dang-bing Ai-deng seh seóh gǎ hóiⁿ; tǎh sē ceó ē náng bàng deó hng-lí. ⁹ Á-Hó-Hua Siōng-Dā sǎi dā sǎⁿ goh-ceng ē chiū, ā kuǎⁿ lē, ā siáh lē; dng hóiⁿ lē dō-ng ū seng-ming ē chiū, iā ū heong-beh seng-oh ē chiū. ¹⁰ Ū eó ceng Ai-deng lǎu chōi, tǎh guáng cǎ hóiⁿ; cǎ eó iú hiō beong ceó sí pōⁿ.

¹¹ Tǎu seóh dǎu miá Bí-seōng: kuáng lǎu leóh Háh-hi-láh dā ē sí-úi; hiō dā-hōng cheoh-sáng hōng - ging.

¹² Cǎ dā-hōng ē ging dǎi heō; iā cheoh-sáng bí-dō-láh, (Bí-dō-láh ū náng huang-ih ceó beō-co; ū náng huang-ih ceó cū-hauⁿ.) léng seóh-háng beō-sǎuh. (Seóh - háng beō-sǎuh ū náng huang-ih ceó áng-mā-nō; ū náng huang-ih ceó chaⁿ-sui-gēh.) ¹³ Dā-dī dǎu eó miá Gí-heōng; kuáng lǎu leóh Gō-sih dā sí-úi. ¹⁴ Dā-sōⁿ dǎu eó miá Hi-dā-geh, lǎu leóh A-seóh dang-bing. Dā-sí dǎu cuh sī Beh-láh eó.

¹⁵ Á-Hó-Hua Siōng-Dā cuh duǎ cǎ náng, bàng leóh Ai-deng-hóiⁿ, sǎi i cai-ceng kǎng-siū.

¹⁶ Á-Hó-Hua ming i gōng, Hóiⁿ-lí goh chiū ē gōih-cī, dū ā súi-i meó siáh: ¹⁷ nō cǎ heong-beh seng-oh-chiū ē gōih-cī, dū ng-tang siáh; siáh hū seóh dīh dīh-dīh sí.

¹⁸ Á-Hó-Hua Siōng-Dā gōng, Cǎ náng duǎⁿ-gǎ dō beó seóh-moi heō, Guā beoh ceó seóh gǎ pói-gǎu bang-cē i. ¹⁹ Á-Hó-Hua Siōng-

Dạ tạt tó ceó chéng-iâ gòh-ceng
ē iâ-siù, kòng-deng boi ē cậ; đũa
gầu A - động mỉnh-sáⁿ, kuáⁿ cả
náng heō i gầu seoh-moi; ciệ-să ũ
uáh-miă mớih-nộ ē miă, cùh bing
A-dộng sê ching ē ceó diăⁿ-dauh.
²⁰ A-dộng leoh lèh-heh, boi ē cậ,
iâ-siù, deo heō ā miă; nộ A-dộng
beó deh pòi-gầu bang-cệ i. ²¹ A-
Hố-Hua Siông-Dạ sái A-dộng heō-
keong, chệ i seoh dậu hiáh-geoh,
cùh tạt nẻh bô muā hiệ ũi-chệ.
²² A-Hố-Hua Siông-Dạ cùh cọng
sê tạt leoh A-dộng sing lē ē hiáh-
geoh ceó ā sình-nậu-náng, đũa
gầu A-dộng tấu-sáⁿ. ²³ A-dộng
gộng, Cả sī guā geoh dọ-ng ē geoh,
nẻh dọ-ng ē nẻh; ing i sī iú dah-
bo-náng sing lē chệ chôi, dậu
ching i gầu sình-nậu. (Bing Hi-
beh-lái ngói-meong, dah-bo gầu I-
si, sình-nậu gầu I-sa, cả nng gủ uā,
ing ũ seo-gũng, hêng-ming sình-
nậu sī iú dah-bo hiệ heō miă ē i-
gī.) ²⁴ Gỏ-cheô náng lī lỏ-bộ nậu-
lă, gah lấu-mā lêng-háh, siăⁿ ceó
seoh tậ. ²⁵ Hu-hũ nng gả náng,
chih-sing lỏ-tậ, iă beó sậu-lă.

Dạ 3 Cậⁿ.

A-Hố-Hua Siông-Dạ sê ceó ciệ-
gả seng-beoh, beó mớih ā gu-
guai leoh siọ. Siọ gah sình-nậu-
náng gộng, Hóiⁿ-lī ciệ-gả chiủ ē
gỏih-cí, Siông-Dạ meh deo gình-
gải dụ nng-tang siáh lỏ? ² Sình-
nậu-náng ing siọ gộng, Hóiⁿ-lī ciệ-
să chiủ ē gỏih-cí, guā deo ā siáh
lē: ³ bí-dộh hóiⁿ dọ-ng ũ seoh
dau chiủ ē gỏih-cí, Siông-Dạ gình-
gải, gộng, Ng-tang siáh, iă nng-
tang mo, giaⁿ lē ā gầu sī-móng.
⁴ Siọ dũi sình - nậu - náng gộng,
Dụ bới ih-deng sī: ⁵ ing Siông-

Dạ cai dụ siáh cả gỏih-cí hủ seoh
dih, dụ mảh-ciu ā cing, dụ cùh
chậⁿ Siông-Dạ ā bêng-bẻh sêng-
oh, gỏ-cheô gình-gải dụ nng-tang
siáh. ⁶ Sình-nậu-náng gình cả
chiủ ē gỏih-cí, ā siáh, ā kuáⁿ lē,
buh ā iă dỉ-hă, tang seo-bô, cùh
dỉng cả gỏih-cí siáh: buh tạt
keoh i dah-bo, i dah-bo iă siáh.
⁷ Nng gả náng ē mảh-ciu cùh
cing, ciăⁿ gình-gah sī chih-sing lỏ-
tậ; cùh bing bú-hua-gỏ ē chiủ-
nẫuh ceó geong.

⁸ Gầu dih-tấu siă, nậu ē boiⁿ
kí, A-Hố-Hua Siông-Dạ giáⁿ leoh
hóiⁿ-lī: A-dộng gah sình-nậu-náng
tiaⁿ-mới A-Hố-Hua Siông-Dạ ē
siaⁿ-ing, cùh deó leoh hóiⁿ ē chiủ-
pảng, piă A-Hố-Hua Siông-Dạ ē
mỉnh. ⁹ A-Hố-Hua Siông-Dạ gầu
A-dộng gộng, Dụ deó deoh-leo?
¹⁰ I ing gộng, Guā tiaⁿ-mới Dụ
siaⁿ-ing deó hóiⁿ-lī, ing guā lỏ-tậ
ē ếng-gỏ, cùh giaⁿ, cậ kủ deó.
¹¹ Siông-Dạ gộng, Hng-náng gah
dụ gộng, dụ lỏ-tậ lē? Guā gình-cí
dụ nng-tang siáh cả chiủ ē gỏih-cí,
dụ ũ siáh lỏ? ¹² A-dộng gộng,
Dụ sê seó guā ē sình-nậu-náng,
tạt cả chiủ ē gỏih-cí keoh guā,
guā cùh siáh. ¹³ A - Hố - Hua
Siông-Dạ cùh kảng sình-nậu-náng
gộng, Dụ seh-na ah-na ceó lē?
Sình-nậu-náng ing gộng, Sī siọ
iủ-hẻh guā, guā ciăⁿ siáh. ¹⁴ A-
Hố-Hua Siông-Dạ cùh gah siọ
gộng, Dụ gỉ-ceng ceó cả seó, bih-
deng piăⁿ hiệ-să lẻh-heh, beh-siủ,
gẻng-ga siủ mỏ; dụ dậuh ếng
bah-dô giáⁿ-dỏ, seoh-să siáh tó.
¹⁵ Guā beoh sái dụ gah sình-nậu-
náng geh-giủ, dụ ē hậu-ả gah i ē
hậu-ả iă geh-giủ: i hậu-ả beoh pā

siông dũ ē táu, dũ beoh pā siông
i ē kọ-āu-daⁿ. ¹⁶ Buh gah sîng-
náu-náng gông, Guā dih-dih sâi
dũ duá-sîng cîng - kô, saⁿ - giôⁿ
keh-kui; dũ dih-dih siông-bô dũ
dah-bo, dah-bo iā guāng dũ. ¹⁷
Buh gah A-dong gông, Dũ gi-
céng tiaⁿ lâu-mâ ē uā, siáh Guā
sê gîng-cî siáh ē góih-cî; dā dih-
dih ing dũ siū mọ; dũ dih-dih
seoh-sả-náng ló-kô, ciáⁿ ā siáh cả
dā lē sê cheoh-sâng ē móih-nộ:
¹⁸ dā dih-dih ing-ũi dũ saⁿ chí-
châu cîng sả; dũ dih - dih siáh
chéng ē chái: ¹⁹ ih-dēng guāⁿ láu
muā-mîng, ciáⁿ ā deh dih siáh,
dih-dih gui gàu dũ sê cheoh ē tó
lē; dũ beong-lái sī tó, dih-dih cái
gui tó lē dôiⁿ. ²⁰ A-dong miá i ē
lâu-mâ gàu Hā-hua; (Hā - hua
huang-ih cuh sī saⁿ ē í-gī) ing i sī
lóng-cộng bả-sảⁿ ē nậu-lậ. ²¹ A-
Hố-Hua Siông-Dả tá A-dong lêng
i lâu-mâ ceó pói ē i-nậu keoh sêng.
²² A-Hố - Hua Siông - Dả gông,
Náng í-gîng ā bēng-bẻh sêng-ọh,
hộng-heoh chậuⁿ Guā-goh-náng;
giaⁿ lē i cheong-chiủ, iā diáng
seng-mîng-chiủ ē góih-cî siáh, cuh
ā ụng-seng: ²³ gó-cheô A-Hố-
Hua Siông-Dả sâi cả náng cheoh
Ai-déng-hóiⁿ, geng-cặng í-gải sê
cheoh ē tó. ²⁴ Cuh dẻh cả náng
cheoh kủ; leoh Ai-déng-hóiⁿ dang-
bing seh Gi-lô-bing, gah ā gải-bủ
ē lĩ-giáng, tẻh bộ-siủ seng-mîng-
chiủ ē dỏ.

OLD TESTAMENTS.

AMERICAN BIBLE SOCIETY

HINGHWA DIALECT ROMANIZED.

1912